

樊

山

集

樊山集卷二十

恩施樊增

染香集

舟夜有寄

繫纜楓根月正中錦衾薄薄恨重重春來江上逢寒食酒醒
天涯又曉鐘紅豆生時煩一寄銀屏曲處幾相逢祇應明發
高樓上望斷青青數朵峯

月夜

檀欒桂樹覆雲端未覺清光減玉盤碧海一重初照影素秋
二七漸生寒莫教橫笛愁邊起可耐銖衣露下看但使遲暉
常媚晚不辭終夜倚闌干

贈蘭卿爲子珍六兄屬賦

玉勒驕驄柳外停
簾前鸚鵡喚紅丁
花如人面依然姣
山傍妝樓分外青
打槳正當桃葉渡
彈詞偏愛牡丹亭
多生緣業誰能懺
替寫蓮華十部經

子珍每日
寫經一頁

秋夜和愛伯師韻

芳蘭盈一握
此際奈情何
天上明星夕
花間玉露多
香銷重
熱麝衣重不勝羅
青翰橫秋水無爲擁
檝歌

簡人

白石金堂靜掩扉
香車緩緩未成歸
眉嬾自比初三月色子
心憐第四緋
半夜濃薰聞茉莉
一年佳約視薔薇
池花慣學
淩波樣
觸撥陳王詠
必妃

潛蹠逆蹤轉綺疏
小屏前後有人無
香泥舊徑遺鈿翠
淺色春衫浣口朱
十二碧欄交卮字
一雙紅豆剖珊瑚
東風何限

銷魂意總傍梨雲第二株

花前燭下久端相愛好天然淺淡妝
臨欲睡時重照鏡但經行處定餘香
嫩湯蟹眼閒中話粉菊魚羹醉後嘗
絲繡觀音勤禮懺他生乞取嫁王昌

昨夜珠簾月似弓清言同聽五更鐘
露涼雕檻衣仍薄日晏花房睡轉濃
含吐口中憐荳蔻徘徊臉際見芙蓉
若爲馳向成都肆不惜凌雲作酒傭

江樓雜憶

江流和月影迢迢樓上何人倚玉簫
忽憶眞珠亭畔事一彎涼月柳千條

酒薄天寒損帶圍玉人添火閉春扉
當時曾傍薰鑪坐過了梅黃未浣衣

青鳥殷勤與致聲
微波嫋嫋向前橫
當時各抱聽冰意
遙隔銀河過一生

催上蘭舟百感生
一宵難遣是離情
玉環分付無多語
卻坐衾窩想到明

月圓花好尋常事
想到歡娛恨轉多
何必天涯在門外
分明心上有秋河

萊山公子花燭詞二十首

玉簫金管動層城
冰泮前頭合兩星
知是飛瓊今日嫁
百花都帶合歡鈴

青鳥銜來一尺書
美人鳴佩別姑蘇
玉梅花下吳船小
寫出金閨送女圖

見說鈿車駐外廂
穠華猶是女兒妝
大家故是無拘束
親寫

銀鉤教小郎

昨見鸞書下紫宸
劉樊眞誥自天申
仙郎一例蒙恩澤
端整泥金寫告身

玉房暖女卜佳期
雲帔珠衣百樣宜
小玉催人佯不起
冰仙花畔上頭時

百輦迎歸夾道看
眾中嵇鶴最軒軒
當頭騎出連錢馬
卻是他年小狀元

瑤池侍女各嚴妝
銀勝金帳列兩行
報道上元冠帔入
萬花圍繞上金堂

紗障輕披卸耳珠
低鬟轉面故生疏
小時來往烏衣郎
竹馬青梅記得無

衣桁藏燈漏始分
眞珠帷帳霧如雲
依稀朱鳥窗中語
只有

夢山集卷二十一
三
釵梁小燕聞

合歡燭下面初勻待曉堂前餐服榛先日果榮端正好徧將
花麝散諸親

嬌養娉嬈出左家仙郎風韻勝朝霞芙蓉鏡裏雙雙影只算
人間姊妹花

郎君善畫桃花馬亦解鋪藤貌遠峯今日綠窗檢眉史春山
卻在鏡屏中

灑掃官廚等粧妝調羹纖手勝吳娘阿翁總說江南好魚膾
居然似故鄉

久識君姑是女師玉杯消夜偶彈棋要他兒女知辛苦細說
青裙挽鹿時

婦眉才子好風神繡閣朝朝榮翰新生長江南煙水地學書

都似六朝人

小閣疏香護玉篝寒輕酒淺話蘇州何郎偶製梅花賦觸撥
閨人念虎邱

芸帙細函滿畫廚紅閨開卷月來初玉臺不少宮閨體第一
先溫女四書

雞鳴時候點茶甌催起檀奴索臂韝計日剛逢巾卷會那容
妝閣看梳頭

沙哥臨別小淹留卻坐青廬慰問周筆硯未開離緒亂倩郎
作字寄蘇州

細寫蠶書上畫屏道人苦趣愛吹笙防他背倚紅鸞笑莫遣
雙成識姓名

無題

夢山集卷二十一
根葉便娟共載歸。簸錢堂下惜芳菲。相看厭紅生頰欲別。
先愁淚溼衣。避日幽花常掩斂。依人嬌鳥怕分飛。清狂不入
時人眼。偏被雲鬟識紫薇。

屢轉迴廊月上弦。夜寒來伴短檠前。持杯斂笑吹茶沫。掩袖
含嬌避燭煙。爲作衣裳求蜀錦。每談煙水慕吳船。玉臺若遣
司書畫。明慧甯當減絳仙。

西山道院有贈

晚霞庭院不知霜。又向花龕禮夜香。選石每來閒處坐。夢雲
伴道醒時忘。潑茶風致宜濃笑。待月闌干稱淡妝。稽首慈雲
差不語。阿侯隔歲上金堂。

將至滬上先以一詩調子珍

桃葉江頭擬問津。尺書先與寄修鱗。焚香試茗渾如昨。補屋

牽蘿別是春繡佛一龕花作供畫船雙槳玉爲人南來庶子
惟平視不爲驚鴻賦感甄

無題

小石幽花映綺疏閒房多雨長青蕪彈琴身世貧司馬落雁
風流小爾朱笑靨千金迷下蔡裙花十景繡西湖擬將如玉
煎茶手寫入蕭齋石鈔圖

修蘭

瑣語珠成串明肌玉辟寒扇和香墜送衣帶繡囊寬舊曲含
情讀新花倚醉看房櫳索題字銀筆署修蘭

有贈

朝來選飯每含顰杏酢梅酸味較親手結香蘭嬌不起含詞
微示女醫人

文君新嫁倦梳妝
薄晚簾櫳見睡棠
含得玉魚猶病齒
白甌重進地黃湯

秋夜置酒

半牀蟾月照花單
叢桂秋香裊畫欄
淺碧醲醑宜淺醉
輕紅簾幙又輕寒
魚羹清美和薑進
蟬鬢低斜映燭看
辛苦雞鳴應官去
莫教釵玉挂臣冠

無題

人在蓬山第幾重
犢車往復坐成空
迢迢銀漢青天上的
明珠碧海中
撿得荷囊憐舊繡
贈來烏爪染輕紅
心如長樂門邊草
一道裙腰綠向東

閒事六首效疑雨集

代作紅箋訊起居
小名紙尾署官奴
人前淺笑低鬟看
認得

夫君在上頭

姬自蘇至滬館於外者月餘

杖劍會聞出玉關
錯疑燕領耦雲鬢
近前子細窺郎面
卻在潘襟沈帶間

頰顏欲妒晚霞紅
十樣修蛾畫遠峯
移得錦涇安屋裏
憑君枕畔種芙蓉

何必靈飛問阿環
琴瘡酒渴一時刪
美人自是金盤露
來與相如駐玉顏

雲母爲屏面面空
照人寫翠復傳紅
一叢紅桂幽窗底
隱映姮娥在月中

時有人以鏡牀爲贈

日出東南戟衛間
碧桃花下著神仙
官中難得朝參少
乞與黃紬自在眠

每恨韓郎失柳枝
討春仍怨紫薇遲
明珠十斛能擎舉
大是

書生快意時

芒鞋新踏六橋雲歸去吳淞與細論若把西湖比西子秋波
春黛總銷魂

亭亭修玉洛川神欲賦驚鴻恐未真十日玉屏風畔坐爲君
滿意畫朝雲

送仲波歸江陰續娶

出入承明最少年無雙江夏況翩翩卧遊壯武鄉娘地居近
容成太玉天七夕星河窺綺幌六朝煙岫等歸船秋來頻有
芝芙夢總傍常儀玉鉞圖

苞期在中
秋後四日

仲波公子花燭詞四首

薜蘿山下水盈盈綠素何勞別重輕知否海棠枝上鵲一生
歡喜是新情

樂府東邊日出西邊雨道是
無情卻有情皆以情作晴也

新題花葉寄紅蠶爲道吳中遲玉驂燕草如絲留不住一雙

孔雀向東南

新婦在南皮君以嚴命迯至江陰成禮

輕燭定似花間蕊親切當爲樂裏爭飛燕比來猶遜色紫鸞相和始成聲

朝也韓門早締姻才華內裏盡知聞青娥細檢蟾官籍兩冠

蓬萊只有君

君朝致散館俱第一

和子珍鸞湖道中同姬人望煙雨樓作

桃葉迎歸及上春葡萄新漲已鄰鄰樓前煙雨全疑畫湖上鴛鴦不避人捲幔看山收鏡屨簪花臨水見腰身人間何限銷魂地不獨驚鴻是洛濱

無題十二首爲葦腴編修作

東南日出映蘭楣京兆街頭下直時君馬自沿金埒走臣冠

長有玉釵遺劇憐星鬢參差見惟覺風懷左右宜色子中間
著紅豆始知入骨是相思

洛花解語復能行相見無端在碧城似說荔枝同妾歲教拈
梧子記兒名

是兒名阿桐

乍褰簾箔聞香息故觸衣裳有玉聲幾

日東風吹粉絮玉窗私語是前生

粉壁紗窗尙可尋蝦蟆陵畔暖輕陰因逢換馬纔呼酒不爲
求皇肯御琴纏臂故多連理玉搔頭應用辟寒金自從繫馬
朱藤下紙帳荒寒漸不禁

傅粉官奴手玉蔥繡衣青翰夾城東小名錄愛櫻桃豔本事
詩憐芍藥工天上明星窺角枕江南煙水在屏風繡簾一點
尋常月照見冰肌自不同

風前金彈細於珠家世弓高玉不如淺淡眉痕全勝畫聰明

心地亦知書未妨花貌供人看只覺蘭言對客疏長記春陰
騎細馬豐宜門外曉寒初

倭墮雲梳百寶鬟所思終日隔花關盈盈相望凝秋水脈脈

含愁聚遠山丹頰定煩雲母駐

君近有餐霞采芝圖

衣香長恨麝男慳

限人不在銀河水只在爐熏枕障間

百轉流鶯在建章微聞多病澀銀簧書銜紫鳳何由達骨痠
飛龍黯自傷三日秣塵飄畫棟一春繡被偃方牀東風豈必
干卿事不信臨池會斷腸

春申一水帶斜暉茹秀餐英願總違宛轉鴛鴦紆左顧徘徊
孔雀更南飛任傾吳市觀瓊樹猶晒秦雲想玉衣陌上花開
歌緩緩療人渴疾是當歸

一葉章臺忽報秋垂楊無復映清流小簾朱戶遙相望玉合

紅巾枉寄愁記折荷花供酒令更呼青子點茶甌如今事事
成追憶一夕潘郎已白頭

重過芝田賦感甄啼痕猶漬枕函新極知燕玉能忘老早識
唐花不到春何限淒辛詩裏識倩誰捉搦掌中身千秋祇有
臨淄后椎碎連環是解人

未須惆悵怨年芳人壽花紅故可常酒半有時聞玉笛朝回
每日在金堂絕知兩廡非卿坐已辦多生老是鄉不見昔人
遺轍素陽陶歌曲未全忘

妨人修道爲朝華况是羅敷未有家隱語自書仙扇子通詞
潛禱聖琵琶閒尋舊注系秋水可有新詩付晚霞早晚青禽
將好語喜神剛在玉梅花

時方
負嫌付

和子珍湘麋館雜興詩三首

重重簾箔鎖銀泥。几玲瓏。供折枝。添上山礬。南燭字。不曾寂寞。歲朝時。

雪色溪藤一尺寬。侍兒添墨寫筠蘭。三花兩葉無多子。欲畫瀟湘怯曉寒。

小梅初發。去年枝點點。清香入硯池。贏得美入簪。戴了手拏紅萼。看填詞。

滬上雜詩

金婆巷口問兒家。玉女窗西日未斜。小玉應門渾不是一時惆悵。對桃花。

阿閣三重靜掩扉。綠陰如夢鎖葳蕤。舊時梁燕雙雙去。一桁珠簾到地垂。

小桃花下別開門。閒踏青苔訪玉真。瞥見鏡中金翠影。斷無

夢山集卷二十一
人似李夫人

水晶簾下晚妝殘，鳳紙宣名候幾番。
卻坐鏡臺嬌不起，對人梳掠恣人看。

平時相見道勝常，隱約將飛亦未翔。
自隔微波通一語，不容花下細端相。

一樹垂楊俯碧流，水萍風絮兩悠悠。
無端繫得青驄住，乞與蛾眉一世愁。

小立香街月子微，夜寒如水不添衣。
香車過盡琉璃暗，纔繞花牆獨自歸。

來是春寒去尙寒，匆匆一月蕙花殘。
橫塘時有驚鴻過，祇是當前駐影難。

酒罷携客聽西伶度曲

是日濱水漫金山事

花月滿江南歌清酒復酣花名長十八月是閨重三肌雪明
螺女鬟香沐麝男勿忘團扇意小字署紅蠶

書見贈陶七

依約層城見玉姿領巾端正墮鬟欹花依露井開常晚人乞
雲漿應每遲少日芳華眞自誤多生綠業定誰知何能竟拂
芝田袂不爲驚鴻駐少時

最小相逢桂苑東弄梅纖手削春蔥桃花巷陌清明後蓬戶
粧梳淺淡中亦解背人調粉墨曾因唾袖灑香紅十年柳色
青如許不見郎來歇玉驄

代栗園有贈

秋窗燈影照無眠琴意成瘳近十年翦取生綃作團扇不會
爲月已爲煙

楚人詞裏木蘭艤迎接桃根意未降一面蒲帆三尺槩渡人
終始不成雙

代答二首

千迴百轉下牀遲愁誦蕭郎本事詩仿取黃庭書恨賦道人
的的解相思

門前流水帶輕霞認得桃柯是妾家爲葉爲根都可從來
無命是桃花

十一月二十日同人集宜春閣送竹簣前輩歸嘉興

暖閣猩屏畫折枝銀箏催酒故遲遲司勳句比秋娘俊內翰
名爲女子知朱鳥窗前景燈照淚鴛鴦浦日月如眉江南又是
孤帆別更擬春明認鬢絲

過娛園作

一樓臨水胃朱藤四面栽花賽錦繡終日弓彎樓下過闌干
辛苦不勝憑

池萍風約一嫣然遙指紅樓大道邊見慣馬纓花一樹誰知
樹下卽門前

春暮寄陶六兄並訊紫卿

紫卿常選余詩入吹蘭集

門前垂柳萬絲金東望思君那可任閒裏茶杯知故事禁餘
官燭照春陰玉鈎一挂琉璃水金押雙棲翡翠禽一集吹蘭
渾謾與如今擊缶是秦音

題紫卿所選吹蘭集後寄子珍六兄

玉臺新詠擬瓊琚露浣薔薇一起子采玉經年成卷帙和香
終日貯襟裾千回鶯語花間轉一筆蠶眠燭下書比似當年
封禪稿絕知夫壻勝相如

會稽門下女門生曾是當年下玉京
脂澤總含煙水氣諷吟
俱合管弦聲評章宮體憐花蕊
揀點香詞教雪鷗慚愧少年
工綺語高唐一賦動傾城

得吳中消息

九月初三日

月轉桐階露似珠東來玉雁渺愁予
寒生九月初三夜淚落
雙文第二書曲裏求凰誰是鳳
水中比目願爲魚折麻不解
傳人意莫怪蕭郎問訊疏

再贈栗園

疑雨疑雲未是真小屏孤燭影相親
紅牆靠水無多路綠葉
成陰又一春
隱語漫傳心上事舊恩各付眼前人
玉環竹碾
空箱裏猶襲崔娘拭淚巾

夢游一首

同舍方生工彈琵琶度曲操杭音綺怨喁花曼音繚
絮深春聽曲消魂黯然倚此索寄龕蘭當和並示碧
螺盒主三君皆越人忍勿爲莊大夫耶

箏語悽紅琴心黯碧星星夢颺香篝絲雨黃昏消他幾曲清
謳載來千斛餘杭酒到如今都化閒愁甚心情訴徧哀絃冷
到銀疆 蕞陵二月生春水怎落紅流盡不送歸舟飛絮光
陰離人蚤暮登樓淚痕不散春衫暈悵天涯處處江州賸今
宵怕倚闌干怕上簾鉤

長亭怨慢

題張樵野廉使琴臺秋禊圖卽送之山左

聽江笛煙中悽語喚起汀洲斷鴻無數渺渺晴川暮帆搖曳
向前浦月痕娟楚剛照入牙臺去除卻酒樽時只載得焦琴

玉塵 凝佇把山公高致寫入淡煙輕素黃鸝去也又相送
晚楓江路蕙帶結滿握愁紅柳枝怨明湖秋雨算賸有琴邊
一葉殘雲無主

浪淘沙

和蘭當詞人來韻

複袖熨香痕淺酒金樽羅衾不似向時溫炙煖銀釭閒抱影
樓上黃昏 回首望吳雲江雁呼羣春朝一雨斷人魂舊日
桐花今又發碧樹當門

望海潮

次韻和子珍

黃昏庭院輕寒簾幙低花小几纖瓶衾冷玉鴨香焦寶鴨蘇
宵漏板無聲欄外雨冥冥料爐灰和夢多半零星珠箔飄燈

照人心眼是疎櫺 無言嬾炙銀箏怕絃淒調促月暗花醒
春事水流年光箭短禁他百樣飄零曲檻那時憑記屨廊西
畔立盡殘更不聽啼鴉也應無睡到天明

綺羅香

秋夜江陵縣屏同偶樵讀桐花閣詞有懷杜仲丹明
經

擘麝添香分泉試茗窗外竹聲敲晚薄暝簾櫳猶有細蟬輕
燕池階畔幾日西風早瘦了藕花一半更禁他素縷銀牀蕭
蕭落葉暗蛩滿 悲秋誰似宋玉聊借笛杯送酒綺懷同遣
試讀新詞可要素等低按憶桐花小閣燈涼無奈是吟秋人
遠剩今宵譜入琴絲曼音和漏轉

霓裳中序第一

偶樵過楫子湖以此調賦蘋鄉情事婉麗可歌比由
溪上促和則余將適南郢西風遠浦白羽方涼身世
搖落如此秋蒂撫舷低唱不自知其淒抑也

江頭黯送別隱約遙峰愁黛結縹落渚蓮似雪剩瘦雁啼花
素波流葉殘紅半溼是麝巾清淚凝血飄零恨小蓬單燭屢
照舊衾褶淒咽暗開金篋有遠道芳音未滅風流爭似小
謝露下吹笙柳邊睇髮素蟾看又缺想湖上菱歌也歇芳洲
畔翠綃裙幅可似雁雲裂

虞美人

余昔旅食潛江往來於三湖四湖間者凡五六年率
常以夏令過此則荷葉如雲朱華綺望舟行其間左
右皆花枝縈帶也比以九月再至風香露粉零落俱

盡但見疎柳成行湖水淨綠而已撫舷悵然遂有斯
製湖濱兒女有能歌者固將授之云

年年來去明湖路打槩依花步女郎家住水香村一路低荷
軟柳似青墩今年重泛明湖曲秋水瑩寒玉荷花渾不似
當年只有斷橋垂柳尚依然

滿庭芳

京邸上巳用蘭當舊均成解

燈院雲嬌藥房煙細昨宵簾幕微寒曉來陌上蝶子趁花鈿
記得將離贈後相思夢難到尊前消魂處玉河照影衫鬢又
今年應憐春事好桃邊畫扇柳外秋千且莫問他鄉莫聽
啼鵲點點紅心似我天涯路芳草芊緜青門外漸裙嫩約依
舊麗人天

二郎神

用徐幹臣韻贈子珍

半鉤淡月又照見玉階人影記楚佩輕捐吳箋遙遞天際芳
音伶仃鈿暈羅衫如煙薄怎禁得相如秋病除燕子再來嬌
棠全放始堪臨鏡尋省當時別酒蘭襟猶疑甚葉上題詩
花間擲笛離夢從頭喚醒妻鏡新書哥瓷淡萍消領晚春光
景又卻是深夜簾葉下了睡鳧煙靜

臨江仙

江亭和子珍均

玉勒青羈游冶路羅陰似水還清映窗窈窕數花明衣香多
近水扇影總疑雲燕子飛來還又去柳枝長是多情野曠
清淺照人行西南眉子月又傍女牆生

清平樂

極樂寺海棠花下同子珍彥清

柳花無力點上春衫碧幾曲迴廊閒佇立過盡蝶雙鶯隻
穠花一樹誰看單衣小徑風寒消得玉人一凭新來只有闌
干

琵琶仙

春莫與子珍飲桐花下

微月黃昏又恰是小院青桐如玉門外芳草成煙籠燈照香
轂剛辦得生衣小扇趁花底著香初熟鏡裏鉛顰襟邊碧唾
前夢應續玉階畔多少芳心有一抹朱絃破幽獨都把明
妃清怨付春風一曲看滿眼花光做淚甚杜郎舊髻猶綠惟
仗祇恨清樽照粧銀燭

蕙蘭芳引

紅淚一襟是湘水碎花零葉剩點點芳心吹上粉奩似雪碧
雞夢杳但倚竹暗傷離別想夜寒月上舊事和誰同說此
日天涯飄零如我一樣淒絕且微雨黃昏消受燭紅茗熟湘
簾垂後蕙熏漸歇還怕聽花外數聲啼鴂

渡江雲

午日登龍樹寺西樓次恁伯師韻

古槐青似蓋冷淘薦了散髻上西樓尊前風味好替寫白團
還倩小銀鉤溫溫黍夢夢江離祇在汀洲甚眼前野塘清淺
不著采蘭舟迴眸湘波如鏡翠羽成林正思鄉時候空憶
得香囊綴虎畫鬚簪榴憐渠玉繩清如許勸等閒休照冰壺
歸去也粉箋同寫新愁

河傳

匡伯扇頭寫鏡湖一曲爲題是解

花嶼煌浦雨初晴垂柳紅亭晚鶯正羅女兒鴉髻青採菱木
蘭雙漿輕鵲頭闌入花深處斜陽暮且傍鴛鴦住杏衫紅
蓮葉東芙蓉一生煙水中

滿庭芳

與子珍分居意常悵悵月夜讀所製新詞卽同其調
團扇風香熏爐烟潤花下初掩重門清歌月夜惆悵不堪聞
多少天涯歸思家山遠望斷紅鱗新來瘦奚囊藥裏相伴病
餘身懷人當此際剛如燕子主換巢分傍舊家簾幕空度
黃昏戶外明河似畫盈盈水不渡流雲憑傳與花箋密字倚
燭一銷魂

江城子

秋水欲波菱花乍萼蘭舟容與芳緒渺然

藕花深處晚涼多勝聲和柳邊過一角遙山輕點鏡中螺月
下紅樓樓下水人不見但聞歌生衣著酒玉顏酡不尋他
奈情何又道沅江煙水軟於羅欲采蘋花將尺素難寄與託
微波

買陂塘

侍愛伯師飲十刹海酒樓望南北海諸勝同賦

倚高樓萬重煙水風荷撩亂如許夕陽十刹今何在打槳認
尋前浦芳草渡看水面虹梁遙接天邊路紅牆又阻但憶得
當時雲房霧閣玉輦往來處西風起內苑蕭蘭漫賦驚腸
無限悽楚春陰瓊島苔花溼好把御題封護君且住看白塔

當簾遠出煙中樹宮鶯自語問昔日妝樓珊瑚反挂悶盡幾朝莫

高陽臺

雨夜寄子珍

暗草棲螢香巢絮燕嫩涼初潤琴絃消盡年光費伊幾縷
煙一春不聽西堂雨問今宵夢到誰邊最淒然水上青荷枝
上紅鴉美人可是青天月祇一重簾押隔斷嬋娟何況新
來萬重又隔蓬山迴文玉簫涼如水剩殘缸冷照無眠有誰
憐玉漏沈沈自寫銀箋

侍香金童

調子珍二解

細雨牆東一樹櫻桃溼正玉骨單衣花下立酒面紅來無氣

力強起煎茶旋聞索蜜、懺他生化作頻伽長比翼便萬本
心經書也值絲繡觀音懸素壁暮暮朝朝與卿合十

傳言玉女

醉尉銷金負了綺窗晴雪謝娘心事在煎茶解渴春夢喚醒
那是瀟湘根葉紅蘭移浦了無顏色 幾許傷心隔銀屏似
遠別舊題團扇倚香懷尙熱青青柳枝總被他人輕折今生
長似柳梢殘月

浣溪紗

新竹娟娟映舊苔翠簾剛爲雨餘開消魂一晌在天涯 字
裏珍珠香翰去花閒蜜炬玉人來來時宮漏莫相催

浣江雲

和子珍游十刹海韻

水邊風日美芳蓮墜粉都似晚霞紅深深垂柳暗淺綠明漪
閒繫小箏篷鴛鴦隔浦總雙雙花底相逢無避處扇光如雪
低障夕陽中 恹恹香車去也小閣沈熏有春人尋夢應自
笑軟晴芳草未試青驄汀洲縱有重來約怕秋心涼到芙蓉
青鳥去明珠還寄樓東

金明池

題葉香士小瀝波館詩意畫冊爲潘星齋侍郎屬賦
花髻吹笙弓衣繡蝶老輩風流如此憑幾筆雲林淡墨便皴
出江南煙水料詩情祇在青山渾不似朝罷歸來花底更傍
柳添鴉背楓搖櫓盡在霞頭煙尾 試認先生行卷裏把嵐
翠溪光做成鄉思人家外明漪幾曲行吟處梅花十里祇恩
深尙戀承明縱夢繞平泉忍商歸計剩畫裏吳裝青簾篋舫

小現五湖心事

月下笛

題羊辛楣同年花溪漁笛圖

水軟新羅山明秀黛舊垂輪處青溪一舸依約風帆隔前浦
平波三尺桃花色定載得鶯鶯穩渡更一枝黃笛臨風吹起
萬重烟絮 延仁江關暮甚冷落汀洲舊盟鷗鷺長安倦旅
漫拋花外煙嶼待君宮錦歸來日好再把漁簑換取倩舵尾
樵青閒倚紅亭按譜

金縷曲

闌干詞同愛師縝子

戶外青青柳倚東風迴廊幾曲斷魂時候細燕輕狸都不隔
正字玲瓏嵌透消幾度玉羅衫袖一樹東頭白梨影雙春寒

總在花前後同徙倚聽清漏 如今得似花時否繞銀牆輕
紅一抹西風吹舊篆曲凝塵曾拍徧空認指痕纖瘦甚簪牋
鄰家輕逗劃徧相思都無迹剩迴文不斷苔花繡明月底怕
回首

浪淘沙

落葉下銀牀玉露爲霜夢和殘月轉西廊記得小屏紅燭影
昨夜成雙 金鴨爚添香減盡年光玉環分付可能忘無限
燕支吹作粉愁煞韋郎

越溪春

和子珍雨中有憶用歐公均

暗雨敲窗銀燭背芳緒渺無涯羅衣翻酒都成暈似臉波初
上微霞蕙草長時春潭涸後空憶韓家 門前何處香車夢

繞舊窗紗泥人一晌半晌小坐簾紋如水低斜爲問鏡中眉
語可能瞞卻燈花

浪淘沙

良鄉道中讀子珍寄書恨然有懷爲成是解時子珍
方東歸度已渡海矣

斷雁寫秋光遠寄明璫小篷聽水幾迴腸不料玉鞭殘照裏
我亦淒涼牽馬上河梁官柳微霜回波中有淚千行便作
胥潮流入海直到錢唐

鷓鴣天

車中寄長安同好

鈿合金尊夢已空不教留影鏡屏中香燒心字和灰熱燭暈
啼痕到曉紅琴箔側桂堂東歸來長動五更鐘如今祇是

成追憶滿鬢黃塵滿袂風

雨淋鈴

追步愛伯師韻

玉簫淒咽坐幽窗畔暗數遙夕星星影事猶記傷心祇有雪
衣能說縱得雙棲似燕奈眉翠長結況舊夢渾是春燈淺淺
銀釭片時竭一般鏡裏花難折剩粉箋脆語傷離別春時
底處相見修竹外小桃如雪碎佩銖衣夢裏分明未忍輕絕
待覓取青鳥銜書寄與瑤臺月

夜飛鵲

蓮池多烏占樹爭巢終夕鳴動天寒漏永愁思黯然
和美成解以紆羈怨

香消未成寢簾幕風淒斜月冷照烏啼垂垂碧樹已如帶夜

寒猶揀霜枝城樓故巢不見但延秋門外露草萋迷驚翻墜
葉聽蕭蕭響入深池 一自桑乾北渡任是月明時不向南
飛誰勸王孫歸去啼鵲不到煙柳空垂愁多夢少倚熏鑪劃
徧寒灰分今宵無睡祇愁玉筯涇盡紅蕤

揚州慢

子珍用石帚自度腔贈破父子亦繼聲

垂柳江干小桃門外玉鞭兩度經過低單衣瘦屨正倦倚斜
柯算春在屏山曲處細聞吳語輕度橫波甚游驄北去纖雲
遮斷銀河 謝娘眉嫵料如今嬾畫煙螺剩舊寫宮詞新彈
粉淚猶在香羅幾許鏡中青鬢不堪向別裏消磨盼東風吹
聚竹西佳訊如何

高陽臺

丁丑三月與陶少質子珍心耘昆季孫紫霓孝廉貢
居蕭寺婪春多雨短燭親人永夕談諧不復知其是
客也首賦此詞索諸君和並柬彥清仲彝

薄暝欺花輕寒捲夢雨中閒數鱣熏門外芳苔印他金齒無
痕近來祇慣吟春草縱題書不寄朝雲聽燈前一晌蕭蕭冷
了芳樽 天涯兄弟圓如月好香麝頻絮佳茗同溫幾日東
風吹來軟夢如塵連昌舊種無多柳甚聽來未覺消魂且今
宵刻燭西堂同賦婪春

滿庭芳

豐樓餞春同子珍步子宜韻

青杏生仁紫桐吹絮雨餘春事將闌舊行觴地芳草未應殘
花暗一重桐子當花處休掩紅蠻江南路青鸞信杳日暮此

憑欄 姍姍紅燭底招來舊燕細語相關算雙瞳愛水也抵
桑乾莫怨東風掃地玉階畔紅藥輕翻新來事銀箋疊譜還
借素箏彈

湘春夜月

午日次子珍韻

鎖無聊瑣窗閒炷檀沈已是黍夢溫時渾未散輕陰一樣闌
茶蕭寺算去年花下不似而今甚小樓前後迷藏一晌沒處
追尋 微吟秀句宮羅昨賜花醕新斟奪錦年華偏憶得楚
鄉煙水長耗歸心紅榴鏡閣怎禁他十度春深數舊夢剩白
團扇底江花一翦曾照羅襟

金縷曲

爲愛伯師題秋江菱榜晚霞圖

照影情波裏映秋江菱花一翦晚霞明麗鏡裏春人紅裳薄
剛似芙蓉並蒂有無限夕陽詩思蘸取明珠多少淚染情天
一抹鰈綃紫暉未隔絳河水瀟湘舊愛牽芳芷甚新來涼
蘋罷採玉璫雙繫側帽花閒填詞客祇合香吟粉醉早料理
雙鬟釵費一舸霞川尋夢去喚楊枝作姊桃根妹誰會得五
湖意

瑤臺第一層

蘭蓀讀曲圖爲楊定夫同年索賦

曉起綠窗勻面了鬢雲一鏡鬆碧苔庭院幽花數翦春在簾
藥曲欄深處坐教雪衣低唱玲瓏曼聲引更弓鞋輕點裊盡
釵茸 忿忿玉煙吹散翠茗不耐曉霜中繡幃垂地啼鶯不
語殘月朦朧莫翻金縷曲怕百花掃地都空畫堂東剩蘭心

夢山集卷二十一
三
一點還發春紅

珍珠簾

小伶以茉莉飾團扇愛伯師賞之以詞卽同其調
小花私貯羅囊底玉釵前一種溫磨初試秋扇恁輕盈更泥
他纖指一握眞珠親贈與當纓佩襟邊長繫風綳問素月圓
時好花開未別有御扇風情且茶甌罷點鬢翹休綴不借
彩絲穿怎盡成連理喜字迴環三十六最難得花花相對臨
睡定羅帳風來暗香如醉

壽樓春

秋氣漸深旋歸有日子宜至自保陽尋當復去連夕
侍愛伯師飲豐樓同賦是解

憐芳時閒樽正金韋載到側帽詞人漫說秋宵寒重畫屏圍

春珠箔捲蟾光新照燭邊綃裳如雲笑畫裏明姿詩中綺語
花下斲時身歌初闕香猶溫悵流霞不駐莢手輕分過盡
碧天新雁絳河如銀朱戶隔黃塵親怕月中吹簫猶聞莫尋
夢西樓花陰露涼逢玉眞

鷓鴣天

戊寅寒食日作

靈鵲枝頭久不聞闌來無意近芳樽紗窗幾點清明雨一院
青苔自掩門銀葉冷畫甃溫禁煙時候易黃昏牆東三度
如鉤月斷送梨花又一春

一萼紅

東鄰桃花一樹橫枝側出映入小窗紅萼窺人嫣然
欲笑愛玩旣久倚此賦之

粉牆遮有緋桃似火隔屋綻新花秀靨低窺輕脂淡拂曉妝
初試鉛華憶前度清明相見是小簾朱戶那人家一信東風
幾回寒食如許天斜 宋玉而今漸老賦東鄰顏色才思都
差門草闌干弄花襟袖年年輕負流霞驀一片芳陰送雨怕
玉溝流水到天涯還倩夕陽片影寫上窗紗

大酺

夏夜雨中讀竹山虞美人詞恨然有身世之感賦此
寄一二故人

正晚寒輕單衣潤幽幌初添明燭蕭蕭簾外雨甚繁紅都洗
未收梅潯水驛烟昏僧廊月暗愁誦虞兮遺曲當年歌樓上
但涼欹笛簟暖圍繡局又誰道而今冷雲哀雁鬢痕凋綠上
用竹山 幽懷還暗觸嘆中歲吾亦傷哀樂是幾度山屏尋
詞意

夢水舫携歌薦回頭水重山復未便朱顏換先換卻昔時心
目況蕭瑟窗前竹垂淚都盡猶自風敲鳴玉怎堪伴人幽獨
齊天樂

己卯春初寄子珍都門

雕輪試碾瀛洲路萋萋又生芳草錦樹垂燈冰河試艇約略
春回瓊島花甌步早看袖拂宮黃御煙微裊苑柳依依認人
猶是舊時貌離人江上望極倩青禽寄與芳緒多少解玉
煙皋傳梅水驛別是新來懷抱風情漸老自小別吳江便疎
歌笑回首瑤京碧天雲縹緲

春雲怨

今歲海棠作花甚縣已破萼矣忽雨雪累日恐遂傷
損倚此慰之

湘屏幾疊罨晚雲如夢春陰如墨昨夜綠章初下點點紫絛
和露坼可奈東風吹花調粉化作東欄數枝雪香壓銷紅仙
肌凝素掩映繡簾隙 猩英占斷芳菲色縱飛瓊相妒依然
傾國莫憶紅羅小亭側聘與梅花玉冷天寒怎生禁得且傍
珍叢故燒銀燭看取晚妝明燼

倦尋芳

積雨初晴春暄極美獨步至綠蘿溪上歸賦此詞
紫桐細乳黃鳥輕飛春麗如畫約略溪橋總有倩紅相亞細
柳腰身輕似燕小桃顏色嬌於馬更東來問經過多少曲臺
花榭 已負了南園佳約西竺香期芳事都罷甚處驚鴻也
似浣紗媚雅照影羞臨春水曲避人遙在垂楊下謝東風那
邊來暗飄衣麝

八六子

子丹將入吳倚此爲贈

黯青山數聲啼宇落紅又送行舟甚竹外桃花全放水邊紅
豆都生峭寒未收 春江曲曲東流拾翠漫尋南浦折梅好
下西洲待揀取蘋花殷勤贈與草香波嫩路緜天晚惟餘側
帽依依望遠含情脈脈登樓莫勾留歸時翠梧報秋

賀新郎

賀愛伯師納姬

柳外星三五繡簾前娟娟月樣似人眉嫵十斛明珠連乾馬
纔可輕盈換與似解唱微雲詞句一點靈犀芳心透是維摩
側畔拈花女微笑處散花雨 鶯年燕月休輕負翦芳蘭玲
瓏結佩小紅辛苦漫說藏春須金屋留伴焦琴玉塵問賀監

乞湖歸否回首霞西波如鏡定何時同聽春江鶻團扇曲爲伊度

踏莎行

感舊

暗減么紅潛移嫩碧樓頭無限傷心色晚桃幾點斷腸花垂楊一樹含顰葉無恙窗紗依然屏格苔廊不見雙鉤屨舊時和月凭欄杆如今惟有欄杆月

前調

雨後至城東行散

斗笠雲輕茸衫寒退雨絲乍歇晴猶未衰桃幾片不成霞新苔一徑難爲翠坐樹鶯嬌探泥燕慧隨人新月娟娟獨憐幽草過橋行晚風吹皺寒塘水

纔近 香燼歡未盡爲問斛珠可有樓東分竹淚明江燕懷
萋錦無限人閒酸恨待得東風采蘼蕪好持綠素從郎問須
相憐下山時秀靨紅暈

買陂塘

王子常同年以甲戌之夏畫夫容秋水圖索題因循
未報庚辰春試子常以弟三人獲隼再徵里詞賦此
調之

記西風畫船歸去江南無限煙水萬花如夢春如海輸爾燕
歡驚喜秋色裏剩一抹輕霞裁作江妃帔蛾眉老矣且明聖
湖邊苧蘿村畔還我浣紗地 春波暖太液花光似綺菱歌
一曲新試芙蓉鏡裏簪花出換了白鷗身世鉛淚洗也不分
蓮心省識東風味清谿十里待眉月生時玉簫停後重認弟

三妹

鳳皇臺上憶吹簫

六月旣望爲亡婦忌日自丁卯及今週十三寒暑矣
是月方移居橫街圓通道院窗外修拍一樹月明風
細如聞秋聲永夕徬徨寫以商調

粉鏡全拋衣香盡滅更無夢到樓西爲道潘郎文采漸減當
時惟有年年今夜多情月長照虛帷塵封處猶餘錦瑟長與
人齊天涯又逢腸斷正晚花庭樹螢點羅衣香篆裏初溫
玉茗小薦紅柅惆悵十三年事無人覺髮已成絲繩河轉移
燈別譜秋詞

月華清

題余秋室畫晚香玉便面爲南海葉南雪前輩賦

輕粉鉤花明金簇蕊九華誰寫宮扇卸采幽叢露發幾番曾
見月上時玉髻新扶風動處羅帷香滿輕展看湘筠幾招瑞
華一面老輩風流未遠更密字銀鉤和歌清婉卷中題詞凡四闕
一段秋心訴與蛩悽蝶泣料有人明玉窗前暗回憶素馨斜
畔香暝記珠江畫舸燕釵敲晚

金菊對芙蓉

季簪館城南蕭寺青禽傳語流鶯比鄰目成人之瘡
渴未愈頃閒復移去昨有人云桃花憔悴死矣崔郎
重過殆不勝情爲賦是解傷之

青子含酸紅梅帶醉討春前度來遲記丁娘居處茆舍疏籬
風前一樹垂楊碧賺蕭郎側帽多時青禽方便贈伊萱草報
我將離昨夜燈燼孤幃嘆伯勞一世未解雙飛問離魂倩

女此去何依芳苔剗盡凌波迹便杏花江店都非再休想像
樓心乞巧花下彈詞

前調

再調季筴

鏡背花寒井眉瓶墜玉煙搖曳空帷嘆從今蕭寺長掩秋扉
生前已當空花看縱埋香未是淒其佛堂深閉獨兒驚起碎
了琉璃 臨水自結茅茨記潑醅江面曾照羅衣甚青山似
劍不似蛾眉無人解畫桃花面祇秋棠淚臉同伊斷腸詩句
斷腸花色併作相思

臨江仙

除夕和愛師均

一幅歲朝圖樣好玉梅花底三更繡簾風約一鉤銀清娛便

了都是畫中人 殿閣催班慵不赴今年今夜閒身風光莫
遣酒杯貪花紅燭喜重見一年春

浣溪紗

題會生懺夢齋填詞圖

池館悵悵睡起遲庭前紅豆長春枝道人元是解相思 七
箇蒲團供打坐兩行銀燭照填詞舊懺新夢覺來時

公瑾當年玉不如小喬新嫁渡江初春風欄檻並觀書 幾

筆泥金衣上蝶半圓涼玉口中魚世閒能著此人無

罍盡茶煙繡幙風蕊珠經裏悟真空飛瓊來去忒匆匆 打

馬聰明圖卷裏乘鸞風致扇羅中遠遠莊蝶可憐蟲

在地當爲連理枝在天當作紫鸞飛通明殿裏有青詞 願

得冠巾成妙麗更容鉛黛轉男兒報他擁髻與顰眉

嘗見六朝造像

有云願得女身轉爲男子余戲謂會生云莫願轉女身否君笑而領之

綽約湘靈望不還
象牀花簟淚筠斑
憑將詞賦遺蕭閒
淨拭湘屏圖女几
醉欹紗幘夢君山
似聞瑤瑟怨人間
舊宅城南叫畫眉
故香經雨發春泥
王孫隨處有天涯
酒渴倩誰溫茗待
朝回不見理妝遲
退紅簾下斷腸時

清平樂

潭柘寺木筆花下

萬花繁密奪盡江郎筆
賜與紫衣矜寵極
箇是東風第一
圓陰深護蘭闌休
言畫日生涯乞借紅
蕤清水養他絕小蓮花

角招

京師俗忌兩新嫁娘無相見
理內子明妝來歸張夫

人招遊南汧同遊傅氏亦新嫁者內子意不欲往以
詞卻之

玉波暖朝朝陌上垂楊慣駐雕甍翠箋珠字滿爲約水邊蘭
艇輕喚緋裙試澣可抵得西湖一半此後秦雲萬疊怕明鏡
裏花枝也水流天遠 依約綺疏六扇明昨翦水隱映紋紗
茜待將花作伴可奈東勞妨伊西燕東風不管任迴避如花
嬌面爲道尋芳未晚更休待翠雲深紅情淺

浪淘沙

板橋題壁

八月初
三日夜

殘照漸低迷倦馬愁嘶入門先自拂塵衣猶有雁來紅一簇
影與人齊 白酒兩三卮欲臥還遲銷魂今夜板橋西露似
珍珠雲似粉月似蛾眉

鷓鴣天

中秋宿靈石縣秋花滿庭房櫳新淨夜與內子待月
漫賦此解

似此中秋未算貧曲牆雕砌露紅新玉釵私語深深院璧月
微開淡淡雲佳節酒異鄉人故園憶我隴頭行誰知汾上
初寒夜銀燭秋花對細君

雙調望江南

杜仲丹紀行詩云習家池畔倚亭闌春事無多夢易
殘碧色漢南隄上柳蕭疏今向汝南看余和云道旁
髡柳未成絲北地寒多轉綠遲萬一灞橋相見汝蕭
疏莫似汝南時已而謁選得宜川令若有前定者然
甲申九月七日行次灞橋秋柳數株搖落可念悵單

既久爲賦此詞

當年柳都學漢宮顰飛絮密於關外雪輕陰鋪作隴頭雲愁
煞倚欄人 今日箇眞傍灞橋行幾葉修眉臨淺水一襟紅
淚點秋塵那得不銷魂

春從天上來

十月既望遊杜子祠折黃梅花一枝歸遺細君

郭外山斜倚瘦藤來訪杜曲人家冷徑苔荒古祠雲暗疏樹
亂點寒鴉若比灤西精舍渾不似門掩溪花網蟲遮看詩牕
一角細縮秋蛇 霜笳又催冷蕊早綻了檀心掩映紋紗數
點蜂黃一雙翠羽依然春在天涯折得一枝歸去剛宜稱素
手煎茶鬪風華怕臨風倚竹翠袖寒些

菩薩蠻

正月六日至延安作

平林雪霽煙光溼夕陽浮動金明驛西望是榆關馬頭無限
山沙中春雁語似說經湘楚南望楚江頭教儂特地愁
離腸九曲河中水一宵流過銀川尾水北是丹州東風昨夜
柔湘屏圍六曲樓上春人獨無緒對春山畫眉人未還
雙調望江南

戲訊鏡漁

風光好輕轡出花閒半臂泥金新雨後一枝煙玉晚風前此
際可人憐歸來夜宮燭照無眠名字拆來歌裏唱粉眞乞
取鏡中安偷傍枕屏看

紅情

奴子移芍藥三本植之庭隅時已立夏數日恐遂蕉

萃適得好雨經宿而沾喜賦是解

誰家煙玉趁粉苞未吐金鴉先刷換葉移根宛轉風前倚修
竹可是傷春靜女都不損玉階華屋且乞與細土清泉低亞
舊欄角清旭映窗穀喜映雨弄晴翠枝新沐細君暗祝未
要東風與拘束懣卻將離小字剛換得帶圍金簇待說與揚
州夢慢斟縹醪

高陽臺

二月廿五日過近林精舍海棠一株始舒紅萼徘徊
久之率成是解弔山長李稚和先生

洗硯池荒寫經窗暗奚僮不掃閒階一樹紅棠含苞猶映書
帷雕欄曲榭無人到睇春風舊燕還來最淒涼塵榻依然重
過蕭索箸書辛苦知何用嘆絲桐塵尾都付塵薶側帽花

開當時會幾徘徊、董陵下馬逢寒食、問花枝、今爲誰開、怕明朝點點啼猩、滴損蒼苔。

河傳

春日偶憶江鄉風景寄東湖故人

雙燕相見雨霏霏、茆店清溪酒旗、玉壺買春花、片飛柳絲似人金縷衣、
閨年較覺清明晚、東風軟、做弄梨雲、嬾板橋斜芳、
援遮誰家粉牆山杏花

最高樓

晚至玉帶橋行散倚欄照水恨然有懷

丁字水渺渺、下前溪、芳樹外、斷虹垂、青山盡在欄杆北、柳花吹度、女牆西、悄無言、溪上思、有誰知、
殘照裏、單衣閒、佇立、翦不斷、天涯芳草、碧臨曲岸、俯清漪、風前曾記人如玉、鏡中

已是髣成絲洗塵容歸舊隱是何時

高陽臺

西屏訪余富平官署時當長夏吟臥畫牀樂數晨夕
君旣許繪春雨樓填詞圖更以新詞見貺翦燈聽雨
悵羣曩懷和韻報之

欄楯棲香圍林換葉快人薄燠輕陰熟到青梅晚來潤逼吳
襟相逢苦說江南好寫青山酷似家林甚情懷走馬章臺長
是愁侵近來心力拋何處在需頭墨牒押尾紅鈴花管摧
殘金荃舊句誰尋桃笙重聽當年雨怕蕭蕭潘髻難禁且今
宵起傍燈花淺醉聞吟

離別難

繡戶乳燕依依玉人贈我將離海棠風裏住柳花香裏去昨

宵銀燭淚替人垂朝雨浥紅鵲泣殷勤相送碧油歸樓上
立車聲急魂乍銷情如遠水迢迢野店羅衾薄粉檻燈花落
同不睡度今宵苦階碧弓鞋迹相思一夜發紅蕉

鶯啼序

十餘年來愛師子珍寄余詩札多至盈尺暇日展視
春明舊事恍在目前於是子珍怛化忽已三載愛師
浮沈郎署音訊亦疏余薄宦秦中了無佳興以疇昔
親愛之人一旦有死生離別之感徒持其生平手迹
慨想前塵亦可悲矣爰製此闕寄愛師都門並告子
珍之靈使知故人心不隔幽顯也光緒十三年五

月八日

春明夢痕漸遠悵流光電逝寫心素多在瑤箋忍教花葉輕

棄探

去聲

懷袖芳香未滅書中歷歷開元事怕珍珠密字經年

化爲紅淚

十載京華夜雨翦韭度東風廿四聽新曲傳唱

旗亭舊紗猶護蕭寺數風流香山洛下論情望歐公頽尾更

相逢學士煎茶賦情濃至

紅蘭易萎粉絮輕飄剝揚雲老

矣別後憶翦鐙深院墜策閒坊澹月成煙輭塵如水黃墟咫尺

深深埋玉人間猶有鄒枚在甚相如忍爲琴瘡死元亭畫

掩無人與注玄文老懷幾許淒戾

蘭成此日鬱鬱關中嘆

一官如寄莫更詡靈和風貌橫海功名覽鏡蕭然鬢絲如此

魚書望斷琅玕重把平生師友無多在願黃金半鐫江東蠶

還期子晉歸來白鶴雲中玉笙月裏

河傳

春思

飛絮春暮柳依依微雨花隄燕飛綠陰滿庭人未歸薔薇淡
紅三兩枝 天涯處處生芳草歸來好葉底青梅小合歡牀
檀枕長繡囊染人羅袂香

調笑令

城隅荷花特盛以小令寫之亦前溪子夜之遺也
蓮葉蓮葉掩映畫裙金蝶宿花兩兩鷓鴣秋水南塘鏡明明
鏡明鏡照見玉釵雙鬢

望江南

金翡翠憑汝報瑤京自聽銷魂橋下水關中三見柳條青愁
煞紙裘生

菩薩蠻

朱樓桂館參差起章臺繡轂如流水驕馬驟駸駸那知芳草

心 故宮春在否約略無多柳飛上舊時鶯銷魂第一聲
人言灞水清如劍離腸總到橋邊斷柳弱不勝蟬夕陽青可
憐 霸城門外路那是靈和樹殘月曉風時微寒馬上知
秦臺最小如花女參差鳳管煙中語錦帷繡芙蓉薄襲金翠
重 吹簫人似玉夜夜銀河曲雙笑倚紅鸞焉知沈下賢
延秋門上烏啼曙流杯亭下春光暮盡日轉雕輪故鄉無此
聲 看雲樓上立朝暮南山碧漫說古長安長安在日邊
壽樓春

寄鏡漁都門

憐櫻桃花開又銅街鈿轂輕轉圓雷見說韓潭春冷玉扉生
苔誰勸汝流霞杯待月中羅衫歸來好粉白重指鴉青細刷
銷盡左風懷、煩遙寄一枝梅慰關中庾信心事寒灰最憶

綠窗茶具玉匱詩牌中散備東方諧比醪醑卿言尤佳料今夜蘭堂丁丁箭虬花際催

冒馬索

張繫父嘗以此調寫竹山聽雨詞意當時嘆爲獨絕今不能舉其詞矣比行縣至施家鎮夜宿三郎廟中冷雨空堂黯然賦此不知視繫父何如也

剔紅繫雕礎苔花暈深碧空廊暗雨古牆落粉陰蟲泣寒袍
綻紙冷笛遺錙一夜玉鵝紅冰積料小樓也被西風打入綃
窗潤琴漆寥寂井桐悽語燕泥輕墜楚簟微瀾蕩秋魄恰
似吳船聞雁夢中煙水楓橋驛殘更倦枕攪碎風鈴官馬蕭
蕭嘶寒櫺又曉來斷雲零落野戍淒涼淚金狄

臨江仙

玉柄霜縷塵尾泥金雲篆書籤飛瓊居處在花南娟娟靜女
合署秀才銜 卮字鴛鴦錦帶連珠孔雀羅衫蓮花碧玉道
人簪晚妝拜月重對水精簾

罵馬索

長夏苦雨西屏再譜此調徵予繼聲

殿西風蛛網飄絲上簾竹藜牀睡起滿天涼雨梅初熟秦簾
語澀楚衣香潤小榻蟬紗秋煙綠更晚來滴碎芭蕉故與尊
前破幽獨 遙矚乍疎仍密似喧還靜畫舫齋頭鴻鳴玉夜
夜總借如秋夜與君同翦西窗燭風亭水榭夢裏江南憶否
瀟瀟吳娘曲待曉晴倚樓凝望遠岫煙鬟寶簪沐

浣溪紗

牆上花冠喚午晴垂垂風柳不勝青印牀終日嫩苔生 好

李詩集卷二十一
是綠窗新睡覺空堂聞墜燕泥聲起來花外斷紅

卷二十一終

樊山集卷二十二

恩施樊增祥嘉父

東溪草堂詞下

浣溪紗

昭明太子擬古云窺紅對鏡斂雙眉含愁拭淚坐相
思念人一去許多時眼語笑靨近來情心懷心想甚
分明憶人不忍語含恨獨吞聲予謂此卽浣溪紗臨
江仙之濫觴也暇日仿東坡改洞仙歌例演爲二闋
甚似韋莊孫光憲一輩人語也

對鏡窺紅斂翠眉含愁拭淚坐相思念人一去許多時
近
日爲誰開笑靨眼中心上兩依依憶來不語但成悲

臨江仙

對鏡窺紅眉翠薄臨窗愁坐含顰相思淚哀石榴裙念伊一
去江上幾多程記隔疎帷通眼語近前笑靨還生心懷心
想甚分明憶人不語含恨獨吞聲

虞美人

回文

雙成佩玉雕蘭翠似得香中意錦緘雲碧雁飛斜遠寄淡泥
金畫並頭花羅紋碧色秋窗曉斷夢難煙裊拂花驚燕見
相思別久翦紈齊寫定情詩

花叢一色深春晚戀蝶斜枝軟玉敲風竹不勝寒翠袖酒醒
初凭小紅欄眉山遠黛愁中畫楚楚衣羅罽柳如腰細水
如煙小院紫薇花映月西偏

娟娟月似織羅襪池露蓮香發夜涼池玉起微波臉障紫鸞

輕扇倚清歌 愁多莫弄秋牀
笛靜夜流螢碧裏衣羅薄玉
肌明露透綠綃煙樣藕絲裙

腸迴九曲欄花亞黯黯香生
夜雪肌紗繫有誰知恨此柳
絲金蹙燕來時 屏風障玉雕
花碧倚笑雲鬟溼露霏叢桂
碧綃輕扇畫月中花是故人情

重疊金

下樓珠絡金鞦馬馬鞦金絡
珠樓下鴛袖紫絲鞭鞭絲紫
袖鴛白蘋香水隔隔水香蘋
白歸意綠楊垂垂楊綠意歸
雪衣羅繡花斑蝶蝶斑花繡
羅衣雪單袖小紅欄欄紅小
袖單 醉心香鴨睡睡鴨香
心醉人樣玉瓏玲瓏玉樣人
手纖春試香冰酒泰西酒名
冰香試春纖手紅斷臉波溶
溶波臉斷紅 箔珠彈粉落
落粉彈珠箔茶是那佳佳
人那是

茶

元道山詩註小
女之美者曰茶

綠荷風動雙鴛浴
浴鴛雙動風荷綠
歸燕翠簾垂
歸品棋知玉冷冷
玉知棋品涼
榭水沈香香沈水
榭涼漾風花穀冰紋
帳帳紋冰穀花風
漾紅袂覆薰籠
籠薰覆袂紅綠綃煙隱
玉玉隱煙綃綠
秋色柳西樓樓西柳
色秋綠波簾影搖風
竹竹風搖影簾波
綠蟬玉墮鬆鬟鬆墮
玉蟬小奩秋月皎皎
月秋奩小金鏤蝶衣
輕輕衣蝶鏤金小窗
紅桂秋香裊裊香
秋桂紅窗小斜髻玉
簪花花簪玉髻斜瘦
腰裙樣舊舊樣裙腰
瘦迴雁錦書催催書
錦雁迴翠桐疏雨拋
珠淚淚珠拋雨疏
桐翠愁黛遠山秋
秋山遠黛愁影娥窺
綠井井綠窺娥影紅
蕙晚庭中中庭晚蕙
紅綠煙如夢茶香熟
熟香茶夢如煙綠飛
鳳紫茸衣衣茸紫鳳

飛 曆花桃賽雪雪賽桃花
曆無睡引薰爐薰引睡無
染香絨袖金泥淺淺泥金
袖絨香染刀翦玉奴拋拋
奴玉翦刀畫屏秋雨夜夜
雨秋屏畫苔徑幾時來來
時幾徑苔膩箋紅淚思相
寄寄相思淚紅箋膩釵燕
玉人來來人玉燕釵苦心
鵲夜語語夜鵲心苦誰共
合歡杯杯借作歡合共誰

韋窗紗索蕭郎笑笑郎蕭
索紗窗韋香屨繡成雙雙
成繡屨香渡河秋信誤誤
信秋河渡紅淚冷憐儂儂
憐冷淚紅

轉應曲

花徑花徑草色簾波相映
闌干不奈情何曾凭春風
袖羅羅袖羅袖淡月梨花
依舊

雙燕雙燕曾識桃花嬌面
別時黃柳初垂又見高樓
絮飛飛

絮飛絮那得不教春去

春暮春暮捉搦裙裾不住銷魂杜宇聲中冷燭無言淚紅紅
淚紅淚一夜棠妃無睡

重午重午華屋薰風燕乳紅榴著色無多寫入秋雲扇羅羅
扇羅扇好與謝娘方便

鷓鴣天

徐侯齋畫山水屏題詞

兩岸春山中有溪圩田雨足罷耕犁鏡中每對青了髻樹裏
時聞白畫眉 撐小艇泛清漪秦人洞口白雲迷二千年後
溪邊水照出桃花似舊時

桃溪春
泛第一

大好樓臺欲住難暫尋幽事畫橋邊樹含龍井明前雨帆帶
瀟湘轉處煙 尋藥去採芝還水天閒話髣髴絲寒歸來揀得

松鉞筆細寫溪南數朶山

畫橋界陰第二

南浦銷魂第一程
萋萋芳草怨西征
煙鬢送客參差出
春水如愁日夜生
芳雨歇綺雲平
莫將蘭漿擊空明
煙波可是

明妃面費盡丹青貌不成

遠浦晴漪第三

誰寫漁梁落照痕
亂鴉疏處見煙村
數家桑柳臨溪水
一櫂桃花訪故人
樵唱遠梵鐘聞
亭亭一塔倚松雲
時人若問

龐居士石壁煙蘿是鹿門

江村訪舊第四

晷畫溪山玉不如
安排庭榭待潛夫
搗辛好佐雙弓米
放子初成二寸魚
臨水畔種雙梧
偶然一葉下階除
奚童淨掃

南檐地叩齒焚香讀道書

溪山小隱第五

點點寒鴉薄薄雲
數峰鼠尾郭家陂
斜陽黃到西山寺
殘柳疎於白下門
隄上馬水邊人
吳楓搖落易銷魂
煙波若問

步山集卷二十二
吾歸處黃葉江南別有村

秋林晚照第六

打疊雲山入畫圖拂簷青玉兩三株
解栽楊柳惟陶令合堦

梅花只老逋呼鶴子飼雕胡
當年五斗久銷除飢來但採

桐花噉此是吾家小鳳雛

相陰飼鶴第七

萬壑千巖玉有聲九天鸞鶴下
呼羣飛泉細答笙簧響上藥

時逢琥珀根餐白石濯清冷
移家真欲傍通明山中相業

知何有領取松風與白雲

萬壑松風第八

東風齊著力

仿東坡饋歲別歲守歲三首青門詩社題也西屏變

而爲詞卽同其調

饋歲

蟹榼何來茶封春焙密割冬房木瓜報汝
羶落不盈筐戶外

春風又到琴魚白。楚橋新黃長安好。紅箋往復忘。是他鄉。
的的好年光。邀舊雨。春蔬試鬥吳娘金盤絲。勝葉對。復花當。
想見柔荑。昨夜金刀剪。喜字成雙。休辭醉紅房。果熟素樸。餚
香。

長亭怨慢

別歲

似流水年光別去。鏡裏蒼顏。忍教輕負。白日黃雞。唱到吳歌。
盡情處。送君歸矣。休折損。河梁樹。舉酒屬梅花。好待取。春風
吹汝。歧路笑。葫蘆畫就此別。一年一度。燈屏顧影。怎禁得。
鬢絲飄素。正纖手。雪水煎茶。又春夜。紅樓聽雨。算祇有。韶光
償得。離人心苦。

玉漏遲

守歲

臘醅新上口看書喫果燈前厮守殘夜新春只判一聲清漏
不用占雞卜鏡但願得花紅人壽君信否垂簾一晌春詞琢
就 不解格五彈棋只色子玲瓏稱伊纖手玉雪嬌兒可要
軟飴酥豆斜倚薰籠不睡任消盡博山香獸看鏡久青青鬢
絲依舊

金縷曲

戲題石筍刺史小象

芳草城南舍徧長安鶯花狼籍讓人遊冶廿載春婆成一夢
說甚承明金馬任潦倒風塵之下閉戶著書還種菜問一州
斗大誰能假君不語看秋華 隱囊紗帽春風畫署頭銜杯
湖聲叟染溪愚者昨送河東君歸矣禪髻茶煙暗惹恰便似

文君新寡世事悠悠何所戀且飲隨近女消長夜君笑謝吾
衰也

前調

秦子衡司馬招飲花下清言竟晷繼之以燭君故江
南名士嘗學畫於司馬繡谷有出藍之譽宦遊關輔
逾二十年一爲佛坪同知尋卽罷去意忽忽不樂是
夕說兩京舊事甚悉併觀繡谷芍藥障子感賦此詞
春午花枝亞掩重門熏鑪茶臼煮香庭榭君是江南老名士
記得開天舊話又恰似江州司馬閒向紫桐花下立悵下邳
明日清明也拋手版對芳尊 梅花老屋鍾山下燕飛來斜
陽不見舊時王謝庾信生平落瑟意醉後溪藤自寫難得是
西園良夜繡谷春風今猶憶忽白頭重 揚州畫銀燭淚爲

君瀉

江城子

午晴樓上弄妝遲似花枝映花枝小頰緋桃薄薄遠山眉幸
是屏風遮隔了梳洗處褪羅衣此行難與定歸期怕相思
莫相思不願封侯消息綠楊知願作鬱金堂裏燕無早暮總
雙栖

高陽臺

同根詞草爲太平屈雲珊逸珊兩女史所作雲珊適
葛進士詠裳逸珊字余同年王君詠霓皆佳偶也讀
竟爲題是解並調王君

集號聯珠詞名漱玉紅房對孿吟箋低髻吹笙分明並蒂雙
蓮花閒打疊相思譜怕雙聲絳樹偷傳是靈均一脈湘愁付

與嬋娟彩鸞已伴文簫住剩小喬未嫁幽獨誰憐夫婿相
如琴心消渴年年銷魂第一霓裳序檢題名彼此嫣然勝當
時劉阮恩恩贅與神仙

滿庭芳

九月初三夜寫香山詩意

鈿合深緘玉璫遙寄絳燈初上簾櫳怨瓶落井素縷漾西風
我是江南謝女十年夢長在愁中知天壤王郎何限幽恨幾
人同玲瓏歌一曲香山俊句應付紗籠又淡雲微雨掩抑
秋容依舊初三好夜渾不見新月如弓惟是有珍珠做淚和
露滴梧桐

踏莎行

漏水聲沈蓬山路近金扉半掩燈花暈如今都下似江南小

屏酥雨單衣潤 打馬誰贏踏青可定玉奴睡也休相問牀頭一緇繡鞋兒偷將鈿尺量分寸

卜算子

北河一妓度曲畢余勞之曰辛苦妓微嘆曰那是辛苦直命耳吾輩覩顏事人簿書期會日不暇給汪容甫曰幸而爲男差無牀第之辱外此復何所異酒後爲譜是詞旣念此牙行自念也

火裏種青蓮根蒂在何許盡道蓮心徹底紅誰識心頭苦薄命始爲花何況花無主除是應官走馬人知我傷心語卿是雨中花儂是風中絮花絮飄飄不自由萬事憑天付俱是不如人歲月風塵誤紅袖青衫泣數行點點花梢露帶露昨宵來聽鼓明朝去不獨卿憐我自憐付與檀槽訴

命也不如人文采都成誤卿作鴛鴦我作仙歸結知何處
水驛驀相逢夜久疏星度懷裏邊邏燭下人門外垂楊樹
生長北河濱近在牆東住二月梨花薄媚時記我銷魂處

踏莎行

三月初五日宿彭善村夜雨寒甚曉起雪積寸許因
賦

雁不堪聞雞還無用五更風裏銀釭凍紙窗猶道月光明羅
衾祇覺春寒重玉樹朝新雕輪曉動馬蹏蹋破瓊瑤街江
南已是牡丹時并門尙作梨花夢

浪淘沙

車中折桃花一枝

春在竹籬頭溪水悠悠廐奴探得一枝柔誤引泥金雙蝶去

過了并州 細馬載春愁 豔濱香鞦小紅相送到秦郵好似
江南根與葉並坐蘭舟

雙調望江南

甲申秋九月過灞橋嘗賦此調比以暮春再至紅亭
碧柳依依有情用前調寫之

關中柳殊有故人情 二月青絲堪絡馬 一春金縷不離鶯流
水帶紅亭 三年別車騎此重經好是南山與君眼春來不
改舊時青認得棄繻生

鷓鴣天

催畫雙蛾午尙慵 帶人嬌眼鎮惺忪 更衣每覺新香襲索茗
因知宿酒濃 思往事十年中 瑤臺月下幾相逢 閒來撿按
羣芳譜祇有梨花似玉容

浣溪紗

宮樣梳鬟一段雲
欠伸回倚小燈屏
寶鑪臨睡又重薰
小玉眠來微放誕
嬌兒乳罷一般勤
羅帷才放玉鉤鳴

最高樓

燈夕書感

人日過春在繡帷中
銀燭影落梅風
燈屏盡畫桃花馬
簾旌雙繡柳條龍
可憐宵切莫放玉尊空
消盡也紅簷霜與雪
且料理銅街花與月
休更憶鳳城東
金蓮宣賜知何日
金鼇縹緲是何峰
又三年潮不見軟塵紅

滿庭芳

渭南試院東偏有屋三楹爲退食之地
官師罕至荒蕨不治
余以三月二日課士
戾止危坐移日階前
餘

醺一樹垂垂欲發相對無聊寫以長調

燕試風襟蝸留雨篆深春閒過書帷唱名纔了小吏問詩題
門外春蠶食葉重簷下碧樹剛齊幽深地花如處女寂寞少
人知 冬烘猶故態三閒破屋來試茶旗問隱囊紗帽何事
歸遲多少疑香晝寢誰似我閒看餘醺春陰重才晴又雨歸
騎濺香泥

浪淘沙

新水養蒲茸
菜几玲瓏晚榴纔試一花穠
待得瑤房紅子熟
應是秋中
輕燕拂簾櫳
午夢惺忪不知昨酒爲誰濃
自取
西窗茶碾子
擣盡松風

蘇幕遮

堆絮體

雨初晴鶯始啁喚起棠妃喚起棠妃夢綃扇白團絨手弄半

畫桐花半畫桐花鳳 佩聲遲簾影動臨去秋波臨去秋波
送珠押領頭金壓縫雲比羅衫雲比羅衫重

畫錦堂

寄栗園

挂屬楓天吹簫月夜幾年輕負鷗盟一水蘿溪自綠板閣深
清淡黃綾錦墩邊柳小紅紗縠巷中燈難忘是春雨小樓雕
欄六曲深憑 而今吟渭樹渾不見河橋酒幔搖青隴雁西
來空寄醉墨零星草堂雙入王家燕玉鞭三聘新橋驚相思
意惟是峽雲關柳兩處愁生

金縷曲

爲葉城題揚州春影圖卷圖爲白門女士辛璉作

垂柳揚州驛甚無端天風吹散紫鷄雙翼二十四橋重經過

小玉開門不識經幾度江邊寒食騎鳳吹簫今何處向月中
獨凭紅欄立羅袖冷淚痕溼平山殘照傷心碧付白門辛
家斑管染香彈墨十二碧城紅樓峭樓上雙星的的悵風絮
憑誰捉搦一掬春波驚鴻影便稽山化土端相覓休更壓綠
陰笛

浣溪紗

聞藍洲病卻寄

可是蘊香惱季鷹悄悄齋閣覆青綾宜城酒好力難勝春
雨珍珠圓裏菜秋風瑪瑙院中燈不如歸去理魚罾

南歌子

雲生納姬用淮海贈朝雲詞寄之

姬姓蘇氏

春女淮南賦冬兒白下詞柳條金嫩不勝垂共認前身小小

與師師 紗扇持遮面
宮螺與畫眉 晴窗繭紙界
烏絲學得 瘦金書體寫
唐詩

